

# Sambil-sambil dapat RM1,600



■ Siswa UPM nafi kerja potong rumput akibat terdesak

Rizanizam Abdul Hamid  
mrizanizam@hmetro.com.my

## Serdang

**P**ihak universiti tidak pernah mengabaikan kami, sebaliknya kerja sambilan sebagai pemotong rumput itu adalah atas inisiatif sendiri untuk mencari pendapatan sampingan," kata pelajar Universiti Putra Malaysia (UPM) Muhammad Naqiuddin Afiq Hafie Hazli.

Gambar pelajar berusia 21 tahun itu bersama tiga rakananya yang membuat kerja sambilan sebagai pemotong rumput pada waktu cuti semester menjadi viral baru-baru ini sehingga mendapat pujian netizen.

Di sebalik itu, timbul versi viral yang tidak disenangi apabila ada pihak mempersoalkan peranan Bahagian Hal Ehwal Pelajar (HEP) dan Alumni UPM untuk membantu keempat-empat pelajar berkenaan sehingga mereka perlu mencari rezeki sebagai pemotong rumput.

Muhammad Naqiuddin yang juga pelajar tahun dua Sarjana Muda Sains Perkhidmatan Makanan berkata, viral yang menyalahkan pihak HEP UPM dan seolah-olah mereka terlalu terdesak untuk hidup tidak benar.

"Dalam viral itu, ditulis kononnya kami tidak ada telefon pintar dan tidak cukup makan sehingga perlu

DARI kiri, Muhammad Ariff, Muhammad Naqiuddin dan Mohamad Shuhaimi menjelaskan kerja memotong rumput hanya mengisi waktu luang cuti semester mereka.

bekerja sambilan sebagai pemotong rumput sedangkan semua itu tidak benar.

"Kami tidak tahu siapa yang menyebarkan maklumat palsu itu sedangkan versi asal kami cuma minta rakan mempromosikan pekerjaan sampingan kami itu di laman sosial, itu sahaja," katanya.

Muhammad Naqiuddin bersama dua rakananya, Muhammad Ariff Abdul Razak, 20, dan Mohamad Shuhaimi Che Darus, 20, ditemui pada sidang media menjelaskan perkara itu di UPM, di sini, semalam.

Hadir sama Timbalan Naib Canselor (Hal Ehwal Pelajar dan Alumni) UPM Prof Datuk Dr Mohammad Shatar

Sabran.

Muhammad Naqiuddin berkata, idea melakukan kerja potong rumput secara sambilan timbul pertengahan Julai lalu.

"Waktu itu saya terfikir, mengapa kita perlu bergantung kepada warga Bangladesh untuk upah potong rumput sedangkan tugas menjaga kebersihan di negara ini sepatutnya dilakukan rakyat kita."

"Pada akhir Julai lalu, saya dan tiga rakan nekad menjadikan ia sebagai pekerjaan sampingan untuk menambah pendapatan walaupun pihak universiti tidak pernah mengabaikan perannya membantu kami," katanya.

Anak ketiga daripada empat beradik itu berkata, sangatlah mereka untuk bekerja berkobar-kobar apabila mendapat tahu warga Bangladesh mampu meraih pendapatan RM6,000 hasil memotong rumput.

"Itu terbukti apabila setiap seorang kami mampu peroleh RM600 hingga RM700 seminggu dengan memotong rumput di empat hingga lima rumah sehari."

"Pendapatan paling tinggi pernah kami dapat RM1,600 sehari yang dikongsi empat tetapi ada juga waktunya cuma RM200 sehari," katanya yang bercadang meruskan pekerjaan sambilan itu pada hujung minggu selepas tamat cuti semester.

## Tabung kebajikan bantu pelajar

**Serdang:** Universiti Putra Malaysia (UPM) tidak pernah mengabaikan nasib pelajar yang kurang berkelebihan, malah mempunyai dana kewangan mencukupi untuk membantu mereka.

Timbalan Naib Canselor (Hal Ehwal Pelajar dan Alumni) UPM Prof Datuk Dr Mohammad Shatar Sabran berkata, viral yang mendakwa mereka mengabaikan nasib empat pelajar sehingga mereka perlu bekerja sambilan sebagai pemotong rumput tidak benar.

"Semangat keusahawanan yang tinggi itu wajar dipuji dan dicontohi kerana meng-

gunakan masa terluang cuti semester untuk mencari duit poket tanpa mengabaikan pelajaran," katanya.

Dr Mohammad Shatar yang juga pakar sosial berkata, UPM mempunyai Tabung Kebajikan Pelajar untuk membantu mahasiswa yang kurang berkemampuan sama ada untuk sara diri ataupun menjelaskan yuran pengajian.

"Sekiranya ada pelajar mengadu tiada duit makan dan kes itu benar, pada waktu itu juga kami beri RM200 kepada mereka."

"Malah, bagi pelajar Islam, bantuan zakat juga diberikan dan kedua-dua sumbangan ini tidak perlu dibayar balik," katanya.